

GVILIELMI BLANCI²
IVNIORIS
EPISCOPI GRASSENSIS.
ET VENCIENSIS
VIRGO.


Hoc est,

DE VIRGINE ANTIOCHENA
A B. AMBROSIO DESCRIPTA

elegans **LIBER.** *Ambr. Secim.*

AD ILLVSTRISS. ET REVERENDISS. D.

FRANCISCVM DE IOEVSA
S. R. E. CARDINALEM.



IVNIORIS

ET VENERABILIS

Hoc est,

A. B. AMBROSIO DESCRIBIT

M. B. B. B.

AD HANC LIBRARIAM REVERSAM

LIBRARIAM

S. R. I. CARDINALEM



G. EPISCOPVS
GRASSENSIS,
ET VENCIENSIS

ILLVSTRISS. ET EXCELLENTISS.

D O M I N C

ERRICO DVCI DE IOE VSA

Ord. S. Io. Hierosolymitani Equiti

& in Occitana Prouincia

Proregi.



INCIDERAT nuper Cardinalis frater tuus in eum Ambrosij locum, quo vir eloquentissimus Antiochenam Virginem breui describit ocebatur non Virginis modò, sed àm elegantià, neque tam peritiam, & fortitudinem, quàm n, & efficaciam mirabatur.

Sed euenit ei tandem, quod fastidiosis con-
uiujs, qui plerumque inter lautissimas, &
exquisitissimas epulas panem appetunt
cibarium; quod Hebræis olim, qui fastidi-
to suauissimo manna Aegypti cucume-
res, pepones, porros, cepe, & allia deside-
rabant. Non contentus itaque Ambro-
siano, eoque verè ambrosio cibo cepit me-
cum agere, eum vt poëmate meo facerem
(scilicet) conditiorem: quodq. iure suo
exigere poterat (vide hominis modestiā)
id à me precibus contendeat. Christiana-
nam Virginem, eandemq. Martyrem ce-
lebrari versibus, Ecclesiæ Dei & vtile ad
exemplum, & gloriosum ad immortalita-
tem memoriæ indicabat. Neque absurde
fieri addebat, vt argumentum soluta ora-
tione ab Episcopo, & ab Episcopo Ambro-
sio feliciter tractatum, ab Episcopo Blan-
co vinctâ retractaretur. Ego verò satis
alioqui vel in otio occupatus, neque igna-
rus quantum esset periculi post Roscium
in scenam prodire, hoc est, post Ambro-
sium

sum Virginem repræsentare, ei libenter
obtemperavi, cuius quot preces, tot sunt
mihi iussa, & iussa occupationibus, ac peri-
culis omnibus præferenda. Neque tamen
id ago, vt Ambrosiū assequi posse me spe-
rem, quem magno interuallo sequi dum-
taxat, & per eius vestigia repere in sum-
ma repono felicitate. Quem enim in cete-
ris omnibus, præcipuè verò in vitæ sancti-
monia, & Episcopalis muneris administra-
tione longè superiorem agnosco, quidni
etiam in scribendo me ille habeat inferio-
rem? Cessit tandem Turnus Aeneæ, cū
de virgine Lauinia inter se ambo disce-
ptarent; & illa Aeneæ fuit, non Turni.
Mihi certè gloriosum erit, vt Turno, ab il-
lo Christiano Aenea superatum fuisse; &
per me Virgo dicatur Ambrosij, non Blan-
ci. Alienam autem Virginem, sed nouis
à me vestibus, ijsq. non iam militaribus,
sed Ecclesiasticis exornatam ad te mitte-
re constitui, vt veteris mei in te, tuamq.
gentem amoris, & obseruantiae hoc etiam
extaret

extaret monumentum . Vale Dux fortissi-
me, & domesticæ virtutis memor, quan-
tùm antea in cœnobio precibus, vigilijs, la-
crymis Ecclesiam iuuiſti, tantùm poſtea in
hominum luce (ita volente ſummo Pon-
tifice) armis, excubijs, auctoritate iuua.
Romæ x. Cal. ſextileis cico. 10. xcy.



Epigramma Guilielmi Blanci Iun. Episcopi
Sizden. et Vencien.

Aspectus hominum quæ deuitare solebat,
Et sola in patria Virgo latere domo,
Nunc oculis hominum spectanda exponitur: illam
Non angusta domus, vastus at Orbis habet.
Prodiga conspicuum deæcrat natura decorum,
Gratior æ nostra sed datur arte decor.
Illum anni minuunt, decor hic augetur annis:
Pulchrior hoc Virgo, quò magis fiet anus.



Handwritten text, likely a signature or title, written in a cursive script. The text is oriented vertically and appears to be written on a separate piece of paper or a label pasted onto the page. The text is difficult to decipher due to the cursive style and fading.



A V C T O R

CHRISTIANO LECTORI.

QVAM hoc nostro poëmate post Ambrosium describimus virginem, Christiane Lector, primùm aliam esse existimamus ab illa Theodora, quæ habitum militarem mentita è lupanari ope Didymi militis euasit : qui in eo remanens pro illa ad supplicium damnatus est. Quæ historia diffusè narratur à Simeone Metaphraste, & extat apud Lippoman. tomo 7. & Suerium tom. 2. in Aprili, etsi vnam, & eandem fuisse virginem censeant nonnulli auctore Baronio in Martyrolog. 28. April. Ego verò vt Theodoram, & Ambrosianam virgines in multis conuenire non nego, ita certè in pluribus affirmo discrepare. Illa enim Alexandrina, hæc Antiochena fuisse perhibetur : illius primùm fides tentata, deinde pudor : huius primùm pudor, deinde fides : illa à præside Eustrathio ad lupanar damnata, hæc à populo : illa virgo dumtaxat solo milite securi percussa : hæc etiam martyr vnà cum milite liberatore percussa. Atque in hanc posteriorem sententiam iuit postea idem Baron. tom. 2. Annal. Ecclesiastic. Quam vel ex

co veram esse conuincō , quòd virgines illas diuersa tulerint tempora ; floruit enim Alexandrina Diocletiano , & Maximiano Imperatoribus , vt auctor est Metaphrastes : Antiochena verò temporibus B. Ambrosij , hoc est , Theodosio I I. Imperatore , vel paulò antea . Scribit enim vir sanctissimus & Antiochiæ nuper virgo quædam fuit & ita vt totum sæculum inter Alexandrinam , & Antiochenam virgines , sicut inter Diocletianum , & Theodosium Imperatores intercefferit . Deinde diuersam esse censemus ab Antonina , quæ cum ad prostibulum damnata fuisset , iuuenis Alexander prætextu libidinis , & petulantia , vt refert Nicephor. Eccles. histor. lib. 7. cap. 13. meretricularum curatorem lenonem conueniens , noctem puellæ eius quinque numis aureis mercatus ; & ad eam ingressus tunicam quidem ipse suam ei iniecit ; eamque , vt agnosci non posset , probè contextam exire iussit : ipse autem vestibus illius amictus , & deprehensus capitis : pœnam dedit . Nam vt sunt quædam Antoninæ similitudines cum Antiochena , ita non vna inter ambas reperitur dissimilitudo apud Surium tomo 3. in Maio , ex Metaphraste . Postremò non eandem esse arbitramur cum ea virgine , quam Palladius ex Hippolyto Apostolorum familiari in Lausiaca historia cap. 148. opera adolescentis Magistriani , sumpta illius veste militari , è prostibulo liberatam scribit : fuit enim ambarum diuersa patria : illius Antiochia , huius Corinthus : diuersi iudices : illius vniuersus populus , huius vnus magistratus : diuersa iudicij forma : illa nullis præcedentibus tormentis morte mulctata , hæc non tormentis , sed mortem euasit solo milite bestiis obiecto . Neque verò miretur aliquis tres has virgines Antiochenam ,

nam, Antoninam, & Corinthiacam sibi in pluribus respondere. Christianas enim virgines ad prostibulum damnare consueverant olim Gentiles. Audi Tertullianum in Apologetic. cap. 45. Nam proximè (inquit) ad lenonem damnando Christianam potius quàm ad leonem, confessi estis labem pudicitiae apud nos atrociorē omni pœna, & omni morte reputari. Idquē exemplis Agnetis, Theophilæ, Euphrasie, Lucie, & aliarum palàm declaratur. Quas omnes peculiari quodam beneficio, seu potius virtute, & prodigio auctor virginitatis Christus intactas liberabat, ut sanctus Basilus tradit his verbis. Cum feruēret, inquit, persecutionis immanitas, electæ virgines propter sponsi fidem ad illudendum impijs hominibus traditæ, corporibus inuiolata perdurarunt, eo scilicet, cuius gratia id perferēbant, impiorum conatus in earum carne irritos arguente, & integra earum corpora non sine prodigio, & virtute custodiente. Et cum plures Christiani, & Christianis aliqui milites essent, verisimile mihi sit plenos Spiritu sancto, ac miserabili Christianarum virginum casu commotos omnem eos technam adhibuisse, ut sponfas Christi, easdemque sorores suas ab imminenti stupro liberarent, atque virtutum omnium pretiosissimam virginitatem quouis periculo ab impuro lenone redimerent. Quid verò mirum commutatis vestibus id eos effecisse, cum ipsæ etiam ethnicæ mulieres, ut refert Valer. Max. viros suos vestium commutatione è carcere liberarint? Atque id sæpius eadem arte perfectum fuisse ideo credibile est, quòd aliorum facta, quæ felicem exitum sortita fuerint, complures imitentur. Vale, pie Lector, & precibus tuis effice, ut anonymam

Lib. de vera virginit.

virginem, quam versibus expressi, moribus etiam, &
animi constantia exprimere concedat mihi ille, qui &
virgini facienda, & mihi scribendi concessit faculta-
tem.



GVILIELMI BLANCI
I V N I O R I S
EPISCOPI GRASSENSIS,
ET VENCIENSIS,

Virginis Liber.

A D F R A N C I S C V M
Cardinalem de Ioeusa.



IOEUSA, à veteri cui sanguis origine
ductus

Effulget virtute noua : cui moribus
aquum

Ingenium est: qui diuitias,artemq. fruendi,
Arca illas,hanc mente tenes: cui corpore pulchro
Pulchrior est animus: cui mira iuuenta senilis;
Atque eadem fructus commiscens floribus atas,
Dum vacat à tanto magnarum pondere rerum,
Da faciles iussis paulisper cantibus aures:
Et tibi si casti mores,si vita pudica,
Casti etiam placeant versus: ac suspice mecum
Virginis

Virginis egregia magnum, & memorabile factum.

Est in complexu Syria notissima fama

Vrbs opibus, populisq. potens, de nomine dicta

Antiochi, quæ claram habuit, fovitq. puellam

Tempore quo toti Ambrosius notissimus Orbi

Calesti Ambrosia Insubres pascebat, & acer

Sanguineos templorum arcebat limine reges.

Insigni forma, & præstanti corpore virgo

Florebat: bina astra suis referebat ocellis,

Fronte niuem, collo marmor, corallia labris,

Lac digitis, malisq. rosas, ac crinibus aurum.

Ore decor toto, totaq. modestia fronte

Spirabat: grauis incessus, mellita loquela,

Aspectus mitis: sed corpore pulchrior ipso

Mens erat, externum pietas innata decorem

Vincebat: nullaq. illi penetrabilis arte

Virginitas, summique Dei reuerentiâ summa

At species externa viros magis una trahebat:

Visam omnes iuuenes suspirauere puellam,

Sed visam nulli iuuenes tetigere puellam

Igni carpuntur ceco, per lata vagantur

Compita dementes: toto stat pallor in ore,

Perpetui

*Perpetui in lingua questus, in pectore cura,
Inq. oculis lacrymæ: neque nox tranquilla quietem,
Latitiam neque leta dies fert ulla: requirunt
Noctem diem, noctemq. die; modò languida ponunt
Membra toro, modò corripuiunt: neque sedibus unquã
Mutatis mutatur amor, sed permanet idem.
Non secus ac tenero spatiosi in gramine campi
Cum iuuenem incantum dipsas calcata momordit,
Vritur infelix, & proni fluminis haustu
Crescit anghela sitis: nunc huc, nunc currit & illuc,
Neq. dat quesitam sedes mutata quietem.*

*At casta, & prudens constanti mente sequaces
Virgo procos refugit, nullis ut credula flecti
Blanditijs, nulla arte capi, nullisq. moueri
Cantibus, & nullo corrumpi munere possit.
Quinetiam aspectum, atque hominũ commercia vitat:
Et patriã conclusa domo vel pollice fusum
Versat, vel lanas ducit, vel sedula telas
Artifici depingit acu, quas destinat aris:
Atque pio cantu minuit plerumq. laborem.
Sed veluti contacti ignes crudeliũ vrunt,
Sic species inclusa domi plus subicit ignes
Pectoribus*

*Pectoribus iuuenum : urebat quæ visa puella
Antè procos , pòst in cineres non visa reducit .*

- „ *Occulta inspiciamus , sequimurq. fugacia semper .*
 „ *Forma audita magis cupitur , quàm visa : magisq.*
 „ *Auribus in mentem , quàm lumine luminis orbis*
 „ *Serpit amor : regnatq. duplex in mente cupido :*
Namque & amoris inest , & visus feruidus ardor .
Adde , quòd & maior species ea creditur esse ,
Non quam presentem iudex explorat ocellus ,
Sed procul absentem quam mens cupidissima querit .
Quin & mente aliquis , geminaq. cupidine captus ,
Non potis abstruse iactare ad Virginis aures ,
Talia nequicquam surdas iactabat ad auras .

Bella puella veni : quid me auersaris amantem ?
Quid fugis , aspectuq. meo te subtrahis ? cheu !
Langueo , & hac avidus praeordia pascitur ignis .
Exere formosos vultus , reclude fenestras :
Visa mihi mortem auertes , inuisaq. mortem
Accerses . Qua religio contemnere amantes
Te docuit ? quamam pietas hos dedere letho ?
Scilicet id Superis gratum est ? tam saeva benignis
Religio placet , & pietas nimis impia Diuis ?

Esse

*Esse pudica cupis? sed te tua forma pudicam
Esse vetat, votoq. tuus decor ille repugnat
Virgineo. Quòd si retinet te fama pudoris,
Castaq. furtiuo non delectaris amore,
Legitimo thalamos iungamus federe, gratum est
Coniugium Superis, & sunt sine crimine tede.
Ne me sperne virum, ne dedignare maritum.
Quare prius quis sim. Veteri sum sanguine cretus:
Clara fuit mihi mater, eques mihi originis auctor:
Prædia sunt centum, meq. oppida quattuor unum
Agnoscent dominum: perq. urbis compita nostra
Me deni semper famuli comitantur euntem.
Sex alo quadrupedes nullis virtute secundos,
Septenos Sparta catulos, totidemq. Molossos.
Et mihi turgescent iuuenili sanguine vena,
Flauescunt tenera prima lanugine mala:
Frons est lata mihi, nec me formosior ullus:
Me mane in speculo, me serò in flumine vidi.
Si studia inquiris, non est præstantior alter
Flectere equos, agitare feras, decernere ferro,
Currere, luctari, numerosos edere saltus,
Seu pulsare chelyn, seu carmina iungere nervis.*

*Crudelis quid' nam connubia nostra repellis ?
 Quid' ve lates ? saltem hoc misero da munus amanti,
 Mi nitido affulge vultu, permitte videri.
 Non iam coniugium, non lecti fœdera posco,
 Nec sancta careas ut virginitatis honore.
 Aspectus oro solos, spatiumq. furori,
 Ut quando inuisam non visa Virgine vitam
 In tenebris, luctuq. traho, nunc denique visa
 Emoriar letus: tantos mors una furores
 Comprimere, & tantas potis est restinguere flammæ.
 Talia solus amans studio iactabat inani.*

*Heu iuuenum amentes mentes ! excordia amantium
 Corda hominum ! Quid non iuuenilia pectora cogit
 Cecus amor ? quæ non sceleratas fundere voces ?*

*At ubi sollicitos Virgo rescivit amores,
 Haud ignara doli externi, proprijque periculi
 In magè securas arces, magè fortia valla
 Se recipit : iamq. angustum, angustumq. Sororum
 Cœnobium ingreditur : seq. ipsa, suumq. pudorem
 Offerit ritè Deo, & votis obstringitur ultro,
 Ut cupidis hac arte procis spes prorsus inanes
 Eripiat, longèq. suos ableget amantes.*

Haud

*Haud aliter princeps à milite diues auaro
 Cùm petitur, latæ diffidens mœnibus urbis
 In validas arces, castellaq. iuta recurrit,
 Militibusq. avidis angusta turre receptus
 Et tollit prædam, & prædæ spem diuitis omnem.*

*At quò non hominum præceps audacia fertur?
 Ipsum etiam in vallum, sanctamq. irrumpit in arcem
 Cænoby: non insidijs, non fraudibus ullis
 Iam petitur Virgo, sed vi tentatur aperta.
 Cessat amor, cessantq. preces, manifesta surgit
 Proditio, atque ipsa pudor impugnatur in arce.
 Fit via vi, franguntq. fores, & claustra reuellunt
 Incensi furijs iuuenes, rabieq. tumentes.*

*Quis tibi tunc, Virgo, sensus, quas ore querelas,
 Quas oculis lacrymas, gemitus quos corde ciebas,
 Cùm medio in templo, coram lucentibus aris
 (Proh scelus!) obscænos iuuenes, hostesq. pudici
 Aspiceres voti, & simulacrum amplexa Mariæ
 Virginis à sanctis auelli amplexibus, atque
 Ad turpes iam iamq. trahi miseranda doleres,
 Pallida vicino casu, stuproq. futuro?*

Nectentare fugam, celeriq. enadere cursu

Virgo potest, nec vim imbellis propellere tantam.

Heu! quid agat? certam suadet contemnere mortem

Religio, atque illam pudor expectare propinquam.

Venit acerba dies certaminis: undique cines

Visendi studio accurrunt, pueri, atque puella,

Cum senibus iuuenes, patres cum matribus, atque

Visuri complent numeroso compita cœtu.

Sistitur in medio duplex aggressa puella

Certamen, vera Fidei, sanctiq. pudoris.

Namque ubi constantem, & firmam videre proteruis

Illam hostes, rubroq. genas fulgore notatam,

Auersantem hominum aspectus, cædiq. paratam,

Illicò virginei pratenso nomine voti

Cœperunt tentare Fidem, cultumq. superni

Numinis, erepta ut prada maiore minorem

Eriperent pradam: & iam religione subacta

Virginitas facili pugna deuicta iaceret.

» *Scilicet infirma est, & se vix ipsa tueri*

» *Virginitas potis est, præstet nisi vera petitur*

» *Religio auxilium, & comitem se iungat eidem.*

Hostibus alterutrum Virgo præstare iubetur,

Aut ficti Iouis ad statuam procumbere supplex,

Aus

Aut spurcum proſtans meretrix intrare lupanar.

*Hæu! Iouis egregius cultus, memorandaq. ſeculis
Neglecti vindicta Dei! pro crimine crimen
Exigitur, ſcleriq. ſcelus ſuccedit, ut vnda
Vnda, Dei falſi ſcelus eſt ſi temnere numen.*

*Qualis vita horum eſt, quorum ſententia talis?
„Iudicium vite iudicium eſt, moresq. nefandos
„Arguit, & turpi maculatam crimine vitam.*

*At trepida, & metuens tentato Virgo pudori,
Non Fidei, nunc hũc animum, nunc diuidit illũc,
Ac tales tacito verſat ſub pectore voces.*

*Quid' nã agimus? vel martyr ero, vel virgo: negatur
Altera palma meis palmis, atque altera laurus
Crinibus, imò etiam ne nomine virginis illa
Dignanda eſt, ſanctæ quæ virginitatis IESVM
Auctorem negat, ut falſis ſolennia Diuis
Dona ferat, detq. exta focis. Tu'ne integra virgo,
Si Venerem venerata Deam? Tu'ne integra virgo,
Si turpes amplexa viros? Tu'ne integra virgo,
Si te tangit amor, ſi quaris amoris amorem?
Quippe animum præſtat potiùs retinere pudicum,
Quàm corpus. Res ſi conceditur utraque, magna eſt:
At ſi*

*At si non datur, alterutra si fortè carendum est,
Corpore commaculer, dum sim modò mente pudica:
Casta Deo, non casta viris: & dicar in auum
Virgo polo, non virgo solo. Nec temporis unum
Antiqui exemplum, quo nos tueamur, habemus.
Prostitit antè Rahab certo mercabilis ære
Collapsis nondum Iericho sub mœnibus urbis,
Sed postquàm Isacidum verum pia credidit esse
Numen, ab exitio euasit, pietasq. salutem
Attulit, amissoq. Fides pralata pudori.
Adde, quòd obsessæ Iuditha in finibus urbis
Natiuum adscito ornatu mentita colorem,
Inq. aurum nodata comas, nudata papillas,
Ac picturato vestem circumdata limbo,
Et digitos gemmis, auresq. onerata lapillis
Pensilibus, blandasq. diu modulata loquelas
Languentem externi ducis irritauit amorem,
Eius & exussit subiectis pectora flammis.
Sed quia relligio tantum, non improbus illam
Mouit amor, meretrix hûc usque à nemine dicta est.
Exemplo mihi fortè pari sors prospera cedit,
Nec secus ac sola tunc relligione retenta*

Illæsum

*Illæsum pia seruauit Iuditha pudorem,
Et patriam incolumem, mihi virginitatis honores
Seruabit seruata Fides. Si mota fuisset
Laude pudicitia, non religionis amore,
Ipsa suum patria amissa Iuditha pudorem
Unâ amisisset. Sed cur antiqua reuoluo?
Quid'ue exempla moror? Christi satis una, superq.
Est mihi vox. Quicumque (inquit) me propter obibit,
Inueniet per me vitam, lucemq. reuifet.*

*Hæc secum meditans Virgo stillantibus ora
Impleuit lacrymis, medioq. in gutture vocem
Continuit, ne vel pubes vicina loquentem
Audiret: nec acerba illi iactura pudoris
Electa est, Fidei sed deuitata prioris.
An verò potuit corpus temerare pudicum,
Quæ neque sustinuit vocem maculare pudicam?
At mihi vox dudum trepidat, ne turpibus actis
Ordine dicendis sese inquinet ipsa, veretur.*

*Tu mea iampridem terrarum Musa per Orbem
Didita, quæ verbo nunquam polluta procaci,
Materia sed plena piæ, sed plena pudoris
Virgineas numeris demulces dulcibus aures,*

Ab!

*Ah! pedibus trepidis obscœnum intrato lupanar ,
Insuetisq. locis insueta expromito facta .*

*Imò age , & in medijs puram te sordibus ipsa
Seruato , innatumq. ubiuis retineto pudorem :*

*Eq. lupanari cantata Virginis instar
Casta exi , que casta subis infame lupanar :
Solis ut impuram ingreditur lux pura cloacam ,
Et pura egreditur , nec turpi splendida cœno
Sordescit . Vos ô , sanctissima turba , puella ,
Attonitas nostris occludite cantibus aures .*

Ducitur ad spurcum Virgo purissima limen .

Imò pias nostris recludite cantibus aures .

*Integra prostitui , sed non temerarier vsquam
Virgo potest . Ubicumque Dei est castissima virgo ,*

*Ipsa Dei templum est : magnus nec pectore casto
Excutitur Deus ; inq. locis infamibus esse*

*Virginitas famosa potest : quin omne locorum
Dedecus illa abolet . Iam tota ex urbe ruentes*

Incensi rabie , stimulisq. libidinis acti

Concurrunt iuuenes , turpiq. in fornice capta

*Præda inbiant omnes . Vos Virginis acta , puella ,
Discite mira , loci tantum dediscite nomen .*

Bella ,

VIRGINIS LIBER.

*Bella, sed imbellis gemit intus clausa columba,
Accipitres strepitant extra discordibus acti
Motibus, inq. vicem certant, quis primus opimam
Inuolet in pradam, rostrum quis primus in illam
Figat, & optato satiet se corpore primus.
Virgo sed impuro faciens è fornice templum
Flexit utrumque genu, et supplex oculosque, manusq.
Sustulit in calum, caliq. precata potentem.*

*Christe, ait, augusta quondam de virgine nasci
Dignate, intactam nunc me dignare tueri.
Ipse tuum auxilium Daniel cum virgo vocaret,
Ieiuni per te rabies compressa leonis:
Quiq. feras domuisti, hominum fera corda domare
Nunc potes, & tantos populi comescere motus.
Qui piceas flammās hebetasti in sinibus olim
Chaldeis, per quem accensus rorauit & ignis,
Tu modò conceptas iuuenili pectore flammās
Excute, & effusis nunc opprime roribus ignes.
Isacidis fluctus ingenti mole coacta
Subsidere olim propria non sponte marini,
Sed virtute tua: quantis nunc opprimar undis
Christe vides, qui cuncta vides: hūc diuide fluctus,
D Atque*

Atque illuc, discretum incedam ut sicca per aquor.

*Urbe Semiramia falsi rea criminis uxor
Poplite submisso cum te peritura vocaret,
Iniustam euasit manifesto numine pœnam,
Et vitam, & famam, & castum tutata pudorem
Rettulit insignes inimico ab amante triumphos.
Nunc vel vita mihi, vitâ vel carior ipsâ
Virginitas petitur: iactura proxima tante
Ad te confugio, & genibus tua numina flexis
Inuoco, tu similes humili concede triumphos.*

*Rex Ieroboamus sacri donaria templi,
Atque aras ausus dextra violare profana,
Illam arescentem iusto te vindice vidit.
Nos tua templa sumus, tua nos altaria viua:
Tu Deus in nobis habitas, nostroq. benignus
Vteris hospitio: Deus, ô Deus ecce profana
Turba tuum inuadit templum, donaria tractat
Sacrilegis dextris, & iamiam polluit aras.
Ne tantum patiare nefas, sed corpore nostro
Sacrilegas arceto manus, stuprumq. nefandum.
Illa tuis quondam toties patefacta ministris
Nunc mihi se virtus aduerso tempore prodat.*

Quæq.

*Quæq. modò ad sedum veni rapienda lupanar,
Virgo abeam, tibi lausq. novis noua surgat ab actis.*

*Sic Christum orabat Virgo, sed plura precari
Conantem impediunt lacryma toto ore voluta,
Eq. repentino formido exorta fragore.*

*Namque ferox foribus confractis irruit intrò,
Et totum horrifico complet clamore lupanar
Terribili aspectu miles, cui ferrea cassis
Comprimit hirsutos cristato vertice crines,
Lorica are rigens, consertaq. pluribus hamis
Circundat fortes humeros, dextraq. coruscat
Vagina ereptus mucro, clypeusq. sinistra.*

*Obstupuit primum Virgo, subitòq. pauore
Dirigit. Quid'ni truculento milite viso
Dirigeret sola, imbellis, simplexq. puella,
Si prius huic populus cecidit tremebundus, & antè
Dirigit sancto pubes inimica pudori?
Ad se Virgo redit, vultusque, animosq. priores
Paulatim recipit, secumq. ita pectore versat.*

*En quid ego aspicio? quis se mihi belliger offert?
Forsitàn & nobis veniendi incognita causa.
Visurus pœnam Helciadis, non illius ergò*

Venerat insignis puerili atate Prophetes.

Quam tamen iniuste populus damnauerat omnis,

Solus hic infontem absoluens à morte reduxit.

Et nunc forsàn ouis latitat sub pelle lupina.

Quis scit an aduersò custos de milite fiat?

Et suus est Christo miles, sua & agmina Christo.

Forsitan irrupit stricto sicarius ense.

Quid trepidas anima, & vano terrore repleris?

Martyr ero, virgoq. simul. Victoria duplex

Nascetur, geminaq. incingam tempora lauro.

Sic mea se pietas, casto prelata pudori

Qua fuerat, castum seruabit & ipsa pudorem.

Hac agitat secum Virgo præsaga futuri,

Quam miles blandis compellat vocibus ultro.

Pone metum dilecta soror, non cominus ad te

Accedo, ut vitam eripiam, floremq. pudoris,

Sed contrà ut vitam tuear, floremq. pudoris;

Tu modò me serues, à me serueris ut ipsa.

Quiq. domum infamem tanquam stuprator iniui,

Egrediar martyr, si fert ita corde voluntas.

Tu mihi martyrij insignem ne præripe palmam.

Mutemus tantùm vestes, ea sola pudoris

Seruan-

*Seruandi ratio: hæc vestis tibi conuenit aptè,
Ista mihi: pulchrè sed conuenit utraque Christo.
Me tua belligerum verè, mea teq. pudicam
Efficiet vestis: sic tu velaberis aptè,
Aptius ipse tamen ponam te sospite amictus
Virginis, ut martyr deluso agnoscar ab hoste.
Sume habitum, qui te velet, celetq. puellam:
Trade habitum, quo martyr ego de milite fiam.
Induere hanc chlamydem, quæ virginis occulat artus,
Atque pudicitiam ignaro tutetur ab hoste.
Accipe terribilem galeam, cristisq. minacem,
Quæ tegat auratos crines, abscondat & ora;
Nam quibus obscænum contingit inire lupanar,
Egressis pudor est, faciesq. rubore notatur.
Extuleris postquàm gressum, ne colla reflecte,
Sed memori uxorem Loti tu mente repone,
Quæ castos quamuis oculos reflexit ad urbem
Obscænam, salis in statuam conuersa remansit:
Neu metuas, Christo sua ne sint integra dona.
Pro te ego deuoti spumantes sanguinis haustus
Æterno libabo Deo, tuq. ipsa vouebis
Armigeram pro me. Tu miles: militat omnis
Virgi-*

*Virginitas, & habent castra sua castra puella:
Aeterna in calo emeritis stipendia dantur.*

*Est tibi iustitiae semper lorica sagittis
Inuia, lethiferos validum munimen ad ictus.*

Est Fidei scutum, quo spicula iacta repellas.

*Estq. salutaris galea: hic tutela salutis
Semper adest, ubi Christus adest: nam coniugis unum
Vir caput est, Christus caput est sed virginis unum.*

*Hos inter monitus, haec inter lenia verba
Ex humeris chlamydem miles deponit, & offert
Virgini, at oblatam primum pia Virgo recusat.*

*Est miles suspectus ei, suspectus amictus:
Quicquid id est, timet ignotum, vestesq. ferentem.*

*Virum stuprator fictus, sicarius utrum
Offerat, in dubio est, variantq. labantia corda.*

*Pratendit chlamydem miles, pratendit at illa
Cervicem, ut Christi potius sanctissima martyr
Incipiat fieri, virgo quam desinat esse.*

*Qua pugna facies? & quae spectacula rerum?
Quae pompa amborum est? qua gratia honestat utrumque,
Cum de martyrio certamen fornice in ipso
Instituit solus sola cum virgine miles?*

*En quos dissimiles natura creauerat olim,
Dextra Dei similes reddit, coniungit & arte.
Hebrai sic prisca canunt oracula vatis
Affore, coniuncti simul ut pascantur & agnus,
Et lupus: euentis presagia vera probantur.
Agna, lupusq. simul iam nunc sociantur, & unâ
Non modo pascuntur, verum mactantur & unâ.*

*Ergo deposito paulatim Virgo timore
Non curis diducta animum, non ampliùs anceps,
Sed fidens animi proprios deponit amictus,
Sumit & oblatos: nunc casside contegit ora,
Atque comas: nunc & loricâ pectora munit,
Candida nunc ocreis inuoluit crura decoris,
Et clamyde assumpta nunc velat cetera membra.
Sed neque diuersos tantùm mentitur amictus
Militis ignoti, ast eius mentitur & arma.
Ense armat stricto dextram, clypeoq. sinistram
Insertat: sic erumpit pro milite Virgo
Fornice ab obsceno: quin audens militis ipsa
Gressibus incedit: res hac spectantibus insert
Terrorem: cedunt omnes, qui turpia tecta
Vallarant: medios elabitur illa per hostes.*

Haud

*Haud secus ac visa iuuenum manus ardet amore
Que prada, & vasta saltus indagine cinxit,
Toruus aper caco si fortè erumpat ab antro,
Totatremitt, ceditq. loco: turbam horridus ille
Per mediam euadit, nec venatoribus ipsis
Prada datur. Vos ô seri miranda nepotes
Accipite, atque animum nostris aduertite dictis.
Virgo lupanari egreditur, quod secula nulla
Viderunt, neque fortassis ventura videbunt.
Euolat è cauea clathris illesa columba,
Non alis tamen ipsa suis: perniciosior illam
Penna vehit, sanctiq. aspirat flaminis aura.
Nec verò ad caueam reuolat, cupit esse columba
Dissimilis, quæ quondam à patre emissa Noëmo
Ingenti ex arca ingentem reuolauit ad arcam.
Quantum arca fornix, tantum ales ab alite distat.
Accipitres foris expectant, creduntq. ferocem
Exisse armigerum, non euasisse columbam.
Dumq. lupi circum densis ululatibus agnam
Ad pradam appetere, reliquis audacior vnus,
Atque moræ magis impatiens sese intulit intrò.
Et iam belligerum attrectat pro Virgine, cùm se
Illicò*

*Illicò delusum sensit, tantaq. repentis
Percussus nouitate rei, defixus in uno
Constitit obtutu, veluti pauet inscia virgo,
Qua violam digito credens decerpere in hortis,
Pro viola latitantem anguem, pro flore venenum
Colligit, & falsa se clamat imagine lusam.
Is demum admirans has rupit pectore voces.*

*Hocce quid est? quidnam in nostros incurrit ocellos?
Aspectus an falsa meos deludit imago?
Ingressa est intrò virgo, vir cernitur intus.
Unde vir aduenit? vel quonam virgo recessit?
Qua noua Peligno dicta Iphigenia Poëta?
Supposita cerua seruata est virgo Mycenis,
Et nunc supposito seruatur milite virgo?
In noua tot quondam mutatas corpora formas
Quis neget à Diuis, si nunc ex milite virgo?
Atque etiam audieram quem Virgo colebat IESVM,
(Nunc colit at miles) Galilæe in finibus olim
Vertisse allatas in vina rubentia lymphas.
At non credideram ignarus, sed credere fas est
Mutasse hunc latices, sexus cùm mutet & ipsos.
Quid moror hîc demens, pedibus nec quero salutem,
E Dum*

*Dum sum, qui fueram? sed iam mutatus & ipse
 An'ne fui, qui cerno aliud, quàm credere possim?
 Mutatus certè locus est: paulò antè lupanar
 Ingressus fueram, sed nunc vadimonia cerno.
 Mutatoq. loco egrediar mutatus & ipse:
 Intraui hinc lascivus, at hinc exhibo pudicus,
 Hæc cum turbatus fudisset verba, recepit.*

*Fornicis obsessi qui clausa ad limina dudum
 Expectans populus vario sermone fremebat,
 Vulgata novitate rei sese agmine denso
 Intrò agit, armigerum ut videat de virgine factum.
 Haud secus ac pasta feri sub vesperis ortum
 Quæ patulo ad caulas redeunt è rure capella,
 Agmine conferto irrumpunt in ouilia, seq.
 Inuoluunt omnes simul, impediuntq. vicissim.*

*Ingressus populus se cauta à Virgine postquam
 Delusum nouit, primos acuisse furores
 Fertur, & ultrici pœna mulctasse relictum.
 Sic ergo egreditur non solum è fornice virgo,
 Verùm etiam martyr: nam qui pro virgine pressus,
 Confestim hunc etiam populus pro virgine damnat.
 Ecce trahebatur palmas post terga reuinctus,*

Aique

*Atque puellari miles velatus amictu
Ad loca supplicij : populus sine legeruebat
Visendi studio : pars ad sublimia tecta
Scandere, pars plateas, pars & complere fenestras.*

*Virginis elapse res ut pervenit ad aures,
Non tulit hanc speciem præstans virtute virago,
Et sese medios moritura iniecit in hostes,
Protinus exclamans : coram, quam quaritis, adsum
Virgo lupanaris clausis erepta cauernis,
Sed non martyrio, non morti erepta beata.
Porrigo quod vobis, in me conuertite ferrum.
Abjicio clypeum hunc, ictus ne fortè retundam.
Si petitis caput, en galeam depono rigentem :
Sin humeros, humeris loricam detraho ahenam.
At restet mihi sola chlamys, qua membra tegantur,
Pro chlamyde aut miles proprios mihi reddat amictus,
Lasciui ne fortè meo satientur ocelli
Corpore, at extincta maneat mihi fama pudoris.*

*Tuq. pudicitie custos fidiſſime noſtræ,
Velaris qui veſte mea, tete eripe leitho:
Meq. unam permittite mori, prius una petebar.
Ne vitam ſerva, ſatis eſt ſervafſe pudorem.*

*Nolo equidem duplici nexu tibi vincta teneri.
 Quid loquor imprudens? iactura facillima vite,
 Et nobis plerumq. mori, quàm vivere præstat.
 Auspicijs laurum antè tuis sum nacta pudoris,
 Martyrij inuideas dextro ne tempore palmam.*

*Miles at obniti contrà, atque has reddere voces.
 Imò virgo abeas, maneamq. ego martyr, & una
 Sis contenta precor, mihi restet ut altera laurus.
 Si tibi virgineos seruavi fidus honores,
 Qua tandem nos martyrio concludere vitam
 Inuidia est? & nos aliam fas querere laurum.
 Solus ego ad mortem rapior, sententia & unum
 Implicat: hac ubi me tenuit, tete illicò soluit.*

*Sic ille: at Christi nondum contenta puella
 Contrà ait: ipsa vadem elegi non mortis, at unum
 Optavi pradem te virginittatis amata.
 Si mihi virginittas petitur, manet vsque (fatebor)
 Nexus: sin autem sanguis deposcitur à me,
 Non egeo vadibus, cùm sim satis una, superque,
 Nec mihi iam desit soluendi oblata facultas.
 Qua pro me lata est, in me sententia lata est.
 Certè ego si pradem argenti te fortè dedissem,
 Neq.*

*Meq. absente tuum pacto pro fœnore durus
Creditor à iusto retulisset iudice censum ,
In me ageres exinde ,tuos nam soluere nexus
Censibus ipsa meis iuris ratione tenerer .
Ni facerem ,quis non dignam me morte putaret?
At verò capitis quantò est ingentior huius
Usura ? & quàm grande tibi nunc debeo fœnus
Defenso ambita pro virginitatis honore ?
Faxo ,insons moriar ,moriar ne noxia : nil hîc
Est medium ; quin alterutrum præstare necesse est :
Namque tui vel nunc fiam rea sanguinis ipsa ,
Vel martyr fiam ipsa meo . Nec pernego ,fugi :
Sed citò si redij , arcendam quis iudicet esse ?
Sin mora facta mihi , absolui quo iudice possum ?
Imò Casarea plûs fio obnoxia legi ,
Quippe fuga rea facta , aliena cadis & auctor .
Quaq. prius stupro non suffecere nefando ,
Sufficiunt mea membra neci : atque in virgine pura
Vulneribus locus est , non probris . Ipsa ego per te
Dedecus euasi , verùm tibi cedere nunquam
Martyrium volui . Vestis mutata (fatemur)
Ipsa fuit , sed non mutata professio nobis .*

Quòd

*Quòd si martyrium prasens mihi praripis, à te
 Circumuenta fui, non autem virgo redempta.
 Cede precor: tu mecum vltra contendere noli.
 Nec mihi iam factis, aut verbis ipse resiste,
 Ne' ve mihi extorque munus, quod sponte dedisti.
 Dum mihi posterior sententia tollitur à te,
 Redditur ecce prior: mutantur prima secundis
 Iudicia: & tenear ni posteriore, tenebit
 Me saltem prior astrictam sententia. Sed quid
 Ambo moram trahimus, frustra et contēdimus ambo?
 Iudicio satis ambo sumus, pœnamq. subire
 Mortis vterque potest, si me patiare priorem
 Occidi. Vna potest pœna exercerier in te,
 At prater pœnam pudor est obnoxius in me.
 Et tibi maioris parietur gloria palma,
 Ipsa tuo auxilio si fiat adultera martyr,
 Quàm per te contrà si martyr adultera fiat.
 Sic concertabat dudum cum milite Virgo.*

*Ioëusa extremum certaminis accipe finem.
 Pugnarunt ambo, vicerunt ambo: duobus
 Quasita ut palma est, sic palma inuenta duobus.
 Nec diuisa fuit, verùm coniuncta corona*

Marty-

*Martyrij: officijs certavit uterque vicissim:
Altera principium pœnæ, fuit exitus alter:
Et mixto amborum spumavit sanguine tellus.*

*O Iocusa mei carcerque, & meta laboris,
Primo dicte mihi versu, dicende supremo,
Quem puerum ipse puer, iuuenis iuuenemq. sequebar,
Virq. virum iam nunc comitor plus omnibus unum
(Atque senex utinam pedibus senis oscula figam,
Et venerer Petri sublimi in sede locatum)
A te cœpta in te veluti mea desinet atas,
Sic incœpta tuo finitur nomine Virgo.
Imò nec alterutri finis, nam carmine nostro
Aeternum nomen, Virgoq. aeterna manebit.*

F I N I S.

EX SANCTO AMBROSIO

LIB. II. DE VIRGINIBVS

AD MARCELLINAM

SOROREM.



ANTIOCHIAE nuper virgo quædam
fuit fugitans publici visus. Sed quò ma-
gis virorum euitabat aspectum, eò am-
plius incendebat. Pulchritudo enim
audita, nec visa plùs desideratur, duo-
bus stimulis cupiditatum, amoris, & cognitionis: dum
& nihil occurrit, quod minùs placeat, & plus putatur
esse, quod placeat; quod non iudex oculus explorat,
sed animus amator exoptat. Itaque sancta virgo, ne
diutius alerentur potiendæ spe cupiditatis, integra-
tem pudoris professa, sic restinxit improborum faces,
vt non iam amaretur, sed proderetur. Ecce persecu-
tio. puella fugere nescia, certè pauida ne incideret in
insidiatores pudoris, animum ad virtutem parauit: tam
religiosa, vt mortem non timeret: tam pudica, vt ex-
pectaret. Venit coronæ dies. Maxima omnium ex-
pectatio. Producitur puella, duplex professa certamen:
& castitatis, & religionis. Sed vbi viderunt constan-
tiam professionis, metum pudoris, paratam ad cru-
ciatus, erubescensem ad aspectus, excogitare cœpe-
runt, quemadmodum specie castitatis. religionem tol-
lerent: vt cùm id abstulissent, quod erat amplius, etiam

F id

id eriperent, quod reliquerant. Aut sacrificare Virginem, aut lupanari prostitui iubent. Quomodo Deos suos colunt, qui sic vindicant? aut quemadmodum ipsi viuunt, qui ita iudicant? Hic puella non quòd de religione ambigeret, sed de pudore trepidaret, ipsa secum: Quid agimus? Hodie aut martyr, aut virgo. Altera nobis inuideretur corona: sed nec virginis nomen agnoscitur, vbi virginitatis auctor negatur. Nam quemadmodum virgo, si meretricem colas? quemadmodum virgo, si adulteros diligas? quemadmodum virgo, si amorem petas? Tolerabilius est enim mentem virginem, quàm carnem habere. Vtrumque bonum, si liceat: si non liceat, saltem non homini casta, sed Deo simus. Et Rahab meretrix fuit: sed postquam Deo credidit, salutem inuenit. Et Iudith se, vt adultero placeret, ornauit: quæ tamen quia hoc religione, non amore faciebat, nemo eam adulteram iudicauit. Bene successit exemplum. Nam si illa quæ se commisit religioni, & pudorem seruauit, & patriam: fortassis & nos seruando religionem, seruabimus etiam castitatem. Quòd si Iudith pudicitiam religioni præferre voluisset, perdira patria etiam pudicitiam perdidisset. Itaque talibus informata exemplis, simul animo tenens verba Domini, quibus ait: Quicumque perdiderit animam suam propter me, inueniet eam; fleuit, & tacuit, ne eam vel loquentem adulter audiret: nec pudoris elegit iniuriam, sed Christi recusauit. Existimate vtrum adulterare potuerit corpus, quæ nec vocem adulterauit? Iamdudum verecundatur oratio mea, & quasi audire gestorum seriem crimino-

Ios. 2. & 6.

Judith. 9.

Matth. 10.

minofam, atque explanare formidat. Claudite aurem
 virgines Dei; ducitur puella Dei ad lupanar: fed ape-
 rite aurem virgines; Chrifti virgo proftitui poteft, adul-
 terari non poteft. Vbicumque Dei virgo eft, Dei tem-
 plum eft: nec lupanaria infamant caftitatem, fed ca-
 ftitas etiam loci abolet infamiam. Ingens petulan-
 tium concursus ad fornicem. Difcite martyrum mi-
 racula, sanctæ virgines, dedifcite locorum vocabula.
 Clauditur intus columba, ftrepunt accipitres foris,
 certant finguli, quis prædam primus inuadat. At illa
 manibus ad cælum leuatis, quafi ad domum veniffet
 orationis, non ad libidinis diuerforium, Chriftè, in-
 quit; qui domuifti virgini feros leones, potes etiam
 domare hominum feras mentes. Chaldæis rorauit *Dan. 14.*
 ignis, Iudæis fe vnda fuspendit, mifericordia tua, non *Dan. 3.*
 natura fua: Sufanna ad fupplicium genu fixit, & de *Exod. 14.*
 adulteris triumphauit: Aruit dextera, quæ templi tui *Dan. 13.*
 dona violabat: nunc templum ipfum attrectatur tuum,
 ne patiaris inceftum facrilegij, qui non paffus es fur-
 tum. Benedicatur & nunc nomen tuum: vt quæ ad
 adulterium veni, virgo difcedam. Vix compleuerat
 precem, & ecce vir militis fpecie terribilis irrupit.
 Quemadmodum eum virgo vt vidit, tremuit, cui po-
 pulus tremens ceflit? Sed non illa immemor lectio-
 nis: Et Daniel, inquit, fupplicium Sufannæ fpectatu- *Dan. 13.*
 rus aduenerat: & quam populus damnauit, vnus ab-
 foluit. Poteft & in hoc lupi habitu ouis latere. Ha-
 bet & Chriftus milites fuos, qui etiam legiones habet. *Matth. 7.*
 Aut fortaffe percuffor intrauit. Ne vereare anima,
 talis folet martyres facere. O virgo, fides tua te fal- *Matth. 26.*
 uam

uam fecit. Cui miles: Ne quæso paueas, soror: frater hūc veni saluare animam, non perdere. Serua me, vt ipsa serueris. Quasi adulter ingressus, si vis martyr egrediar. Vestimenta mutemus, conueniunt mihi tua, & mea tibi, sed vtraque Christo. Tua vestis me verum militem faciet, mea te virginem. Bene tu vestieris, ego meliùs exuar, vt me persecutor agnoscat. Sume habitum, qui abscondat feminam: trade qui consecret martyrem. Induere chlamydem, quæ occultet membra virginis, seruet pudorem. Sume pileum, quod tegat crines, abscondat ora. Solent erubescere, qui lupanar intrauerint. Sanè cum egressa fueris, ne respicias retrò, memor vxoris Lot, quæ naturam suam, quia impudicos licet castis oculis respexit, amisit. Nec vereare ne quid pereat sacrificio. Ego pro te hostiam Deo reddo, tu pro me militem Christo: habes bonam militiam castitatis, quæ stipendijs militat sempiternis: lorica iustitiæ, quæ spiritali munimine corpus includat: scutum fidei, quo vulnus repellas: galeam salutis. Ibi enim est præsidium nostræ salutis, vbi Christus. Quoniam mulieris caput vir, virginis Christus. Et inter hæc verba chlamydem exuit. Suspectus tamen adhuc habitus & persecutoris, & adulteri. Virgo ceruicem, chlamydem miles offerre. Quæ pompa illa, quæ gratia, cum in lupanari de martyrio certarent? Addantur personæ, miles, & virgo: hoc est; dissimiles inter se natura, sed Dei miseratione consimiles, vt compleatur oraculum: tunc lupi, & agni simul pascentur. Ecce agna, & lupus non solum pascentur simul, sed etiam immolantur.

Genes. 19.

Ephes. 6.

1. Cor. 11.

Isai. 65.

tur.

tur. Quid plura? Mutato habitu euolat puella de la-
queo, iam non suis alis, vt pote quæ spiritualibus fe-
rebatur: & (quod nulla vnquam viderunt secula) egre-
ditur de lupanari virgo, sed Christi. At illi qui vide-
bant oculis, & non videbant corde, ceu raptores ad
agnam, lupi fremere ad prædam. Vnus, qui erat
immodestior, introiuit. Sed vbi hausit oculis rei tex-
tum: Quid hoc, inquit, est? Puella ingressa est, vir
videtur. Ecce non fabulosum illud, cerua pro virgi-
ne, sed quod verum est, miles ex virgine. At etiam
audieram, & non credideram, quòd aquam Christus
in vina conuertit: iam mutare cœpit & sexus. Rece-
damus hinc, dum adhuc qui fuimus, sumus. Num-
quid & ipse mutatus sum, qui aliud cerno, quàm cre-
do? Ad lupanar veni, cerno vadimonium: & tamen
mutatus egrediar, pudicus exhibo, qui adulter intra-
ui. Indicio rei, quia debebatur tanto corona victo-
ri, damnatus est pro virgine, qui pro virgine com-
prehensus est. Ita de lupanari non solùm virgo, sed
etiam martyres exierunt. fertur puella ad locum sup-
plicij cucurrisse, certasse ambos de nece, cùm ille di-
ceret: Ego sum iussus occidi, te absoluit sententia,
quando me tenuit. At illa clamare: non ego te mor-
tis vadem elegi, sed prædem pudoris optaui. Si pu-
dor quæritur, manet nexus: si sanguis exposcitur, fi-
deiussorem non desidero, habeo vnde dissoluam. In
me lata est ista sententia, quæ pro me lata est. Cer-
tè si pecuniæ te fideiussorem dedissem, & absente me
iudex tuum censum fœneratori adiudicasset, eadem
me sententia conuenires, meo patrimonio soluerem

Esai. 6.

*Ouid. lib. 12.
Metamorph.*

Ioann. 2.

tuos nexuſ. Si recularem, quis me indignam morte cenſeret? Quantò maior eſt capitis huius uſura? Moriar innocens, ne moriar nocens. Nihil hîc medium eſt: hodie aut rea ero tui ſanguinis, aut martyr mei. Si citò redij, quis me audet excludere? Si moram feci, quis audet abſoluere? Piùs legibus debeo: rea non ſolùm fugæ meæ, ſed etiam cædis alienæ. Sufficiunt membra morti, quæ non ſufficiebant iniuriæ. Eſt in virgine vulneri locus, qui non erat contumeliæ. Ego opprobrium declinaui, non martyrium tibi ceſſi. Veſtem, non profeſſionem mutavi. Quòd ſi mihi præripis mortem, non redemiſti me, ſed circumueniſti. Caue quæſo ne contendas, caue ne contradicere audeas. Noli eripere beneficium, quod dediſti. Dum mihi hanc ſententiam negas, illam reſtituis ſuperiorem. Sententia enim ſententia ſuperiore mutatur. Si poſterior me non tenet, tenet ſuperior. Poſſumus vterque ſatiſfacere ſententiæ, ſi me priùs patiaris occidi. In te non habent aliam, quam exerceant pœnam, in virgine obnoxius pudor eſt. Itaque glorioſior eris, ſi videaris de adultera martyrem feciſſe, quàm de martyre adulteram reddidiſſe. Quid expectatis? Duo contenderunt, & ambo vicerunt: nec diuiſa eſt corona, ſed addita. Ita ſancti martyres inuicem ſibi beneficia conferentes, altera principium martyrio dedit, alter effectum.

F I N I S.

